



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ

Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS

*manè discutienda, in Scholis Medicorum, die Jovis decimæ-septimæ
mensis Aprilis, anno Domini M. DCC. XLIX.*

M. DAVID VASSE, M. ANTONII PEPIN, Doctoris Medici,
Regis Consilarii, & in Portu Brestensi Medici primarii vices
gerente, Doctore Medico, Præside.

An cæteris Medicinæ ancillis, præstet μαγιστήρ?

I.



UOD tempore cætera præit, alias artes antecellit utilitate, ad vitam pluribus valet auxiliis, præstantius manet. Sic vexilla μαγιστρῶν pangit. In alimentorum electione, eorumdem præparatione, imò & mitione tota consistit; ita ut condiendi gnara, parca tamen sit & suis in operationibus

A

ornamenta curet; gustui ergò saporibus, naribus odore non solum suffragatur, sed oculos diversis ex arte coloribus lætificat; Ars ista admodum salutaris. Væ eâ abutentibus, Heliuonibus, Gulosis, Voracibus, & quibus venter in votis est. Hujusce universæ artis munus est, ut imprimis nutriendo non tam voluptatis quàm sanitatis habenda sit ratio; & ad valetudinem potissimum alimentorum confectio atque præparatio sit accommodanda. In convivis quidem, omnium accumbentium, aut certè Procerum, palato studet convivator; at Medicus alimentorum salubritatem præsertim requirit in curando. Coquus debet esse peritus, laboriosus, laudis cupidus, gustatu excellens, sed maximè Medico obediens; quâ ratione Architecto Operarii, eâdem Medico Magirus, Pharmacopœus, Chirurgus interserviunt. Primo siquidem præscribit ac imperat quî victus ac quo tempore exhibendus; illi quo pacto præparandum exhibendumque remedium; huic quæ vena sit secanda, quantum sanguinis mittendum: &c.

I. I.

ARS, quæ ab orbe condito deprehenditur in organicis corporibus in quibus electio à nonnullis, ab aliis electio & præparatio simul, à quibusdam hæc utraque, & mistio sunt spontaneæ, naturalis audit. Hoc non latet sapientem qui naturæ arcana meditatus, attentè examinat: plantas consideret in origine, nativitate, incrementis, eas miratur diversæ diversos terræ succos suscipere in sui alimoniam quæ pro diversâ plagæ, regionis, soli, solisque aspectûs, sitûs positione variatur. Infinita hujusce electionis exempla & ratione & observatione probantur; quæ ad præparationem usque, ut opinamur, apprime deducuntur. In animalibus verò trium operationum exempla ob oculos ponuntur ita, ut probatio & autopsia idem: sic in bove, cane & aliis diversis animalibus quæ eligunt, ad cibum & medicamentum: in cane, fele, avibus, quæ ad eisdem & diversos effectus eligunt & præparant; in avibus & aliis quæ dùm pullos enutriunt, miscellanea evomunt ex arte præparata, Ex

ratione & intelligentiâ prodit altera quæ Homini propria, quam tamen sufficit corporibus organicis aut cicuratis aut fativis pro re natâ, loco, tempestate, diversam. Hanc antiquissimam extitisse legitur apud primos tum sacros tum prophanos Authores triplici linguâ sacrâ, Hebræâ nempe, Græcâ atque Latinâ: primò quidem in Hebræis codicibus, Exordium ab Adamo incipit *Geneseos secundo* qui quidem in voluptatis horto operabatur, eligebat præparabat certè, & miscbat forsân ea quibus utendum tradiderat JEHOVA. Deinde ejusdem libri 3^o. capite, patriæ exul in sudore & labore comedit panem; & cap. 9. ejusdem libri extant hæc verba: *omne quod movetur & vivit erit vobis in cibum, quasi olera virentia tradidi vobis omnia, &c.* Quis crassâ minervâ non sentit omninò artis alimentorum eligendorum, præparandorum, atque conficiendorum, antiquitatem, necessitatem? Ideò inter omnia infinita propemodum probationum exempla quædam veniunt in quibus & antiquior hujus artis existentia, sed & utilitas & dignitas eminet ex personarum eam exercentium nobilitate: promiscuè expono plures ex pluribus codicibus personas origine, scientiâ & virtute præclaras in antiquissimis retrò temporibus. Cætera mitto.

Sara Abrahami conjunx quæ illius jussu statim summâ cum festinatione ex tribus satis farinæ similæ panes subcinericiis seu placentas confecit, deinde vitulum servo suo dedit ut pararet id est jugularet coqueret. In libro Judicum legimus Gedeonem in apparandis epulis Angelo, & Coqui & Pistoris & Dapiferi munere functum fuisse. Quid non legitur apud Hebræos de coquendi modo ad usum mensæ, altaris, & Paschatis festum? Quæ electio in distinguendis & distinctio in eligendis & seligendis animalibus & partibus eorum? Quæ prudentia & animi attentio in horum omnium præparatione, conditione, coctione, mitione, manducatione? Totum vetus testamentum scatet exemplis & si omnium recenseretur Historiarum series, immensum nequiret tantum & tale monumentum. *Secundò* si linguâ Græcâ quæ extant proferrentur, nedum res præcipiti passu ruens obiret nec finiret aternum. Quid non reliquere scriptum de hac liberali arte, Aristoteles, Hippocrates, Galenus, Plato,

Aristophanes, Athenæus, Chrysippus & alii quibus honoris fuerunt Magiri; quot distinctiones inter eorum diversa munera? *Tertio* nec inferiores sunt Linguâ latinâ Romani in evchendâ augendâque atque amplificandâ arte istâ quam apprimè colebant; nec terendum tempus in referendis eorum moribus. Artis nostræ antiquitas omnibus patet.

I I I.

QUOD gratum, utile, aut necessarium se habet; augetur cundo; ad scientiam & artem pervenit adhibita methodo: sic prima Medicinæ famula quam & filiam natu majorem usu, ratione, experienciâ, fortè fortuitis feliciter genuit, in sanorum & ægrotantium rem, tanquam arbor ingens aliquandò in ramos, folia, fructus luxuriatur immanitate tantâ, ut miti & misericordi medico illud recidendum, ne quid nimis, atque collucandum quod castigare non pote. Si præside medico, ejus suavitatem, utilitatem, necessitatem consideres & ornamenta, quid in utroque & morbi & sanitatis statu præstantius; quod erat injucundum, gratum, insulsum verò, hac arte lapidum efficitur, & quod odore nares injucundè carpebat, nunc suaviter olet: hæc metamorphoseon series ubique & semper clucet in hac arte in qua artifex sese omnino peritum prodit, ex mutatione ingrati cibi in quid omnes sensus alliciens. Utilitatem hujus artis (quæ in medico scientia constat, in ministro ars versatilis) longè latèque diffusam prospicies ita ut non solum ad vitam communem & ordinariam se extendat sustinendam, restaurandam, sed & ad sanitatem conservandam, reparandam, prorogandam accedat suis muneribus; & dum sese docilem præbet Medico multifariam multisque modis inservit rei publicæ; modò enim annonas servat, modò auget; auget quidem ex præparatione solâ, aliquando ex mitione, ex condicione nonnunquam & quod idem eadem operando servatur, faver iterum augmento dum utendum; in utriusque utroque defectu ad alia extraordinaria, cogente penuriâ frugum sese vertit monstranda, commentanda, com-

5
 molienda & , quæ dum tempus fallunt , vitam languidam protrahunt , sustinent utcumque vires , ad eum tandem ducunt statum , quo aut messis redeat , aut rates appellent , aut divitiæ suppellectentur ; quod si morbus adsit , dolores lenit , infringit symptomatum ferociam , & datâ occasione , sanitati patulum aperit aditum. Nec immergitur aliquando ejus necessitas in suimet utilitate , quæ aliquando tam absoluta &urgens ad curationem morbi venit deficiente Pharmaciâ , & Chirurgiâ exulante ut sese offerat tanquam primum imò solum remedium & conditionem sine qua non. Nonne quotidie ex ejus penuriantur alimenta medicamentosa , & ejus consortio nonne ex medicamentis refarciuntur alimenta. Quis hominibus vice versâ sanis , languentibus , ægris , vigentibus suffulciet vitam , sanitatem , valetudinem instrumentis ex hac arte desumptis quibus nec ornamenta desint ? Medicus , cui omnia jure ac merito suffragantur , cujus omnia conservandi munus , cui itaque omnia redeunt regenda suo arbitratu , ducenda imperio , & à ministro applicanda ;

I V.

ILLAM si aspicias materiem quæ in vegetantium & viventium alimoniam cedit , fecunda seges ; imò omnifera , omnigena ubique & semper ; si omnium animalium homo solus in voracitatis exemplum proferatur quid non ore ingerit alvo , hic gumas insatiabilis ad omnia omniscarpus extendit manum suam ; tres familias vorat ; nulli plantæ parcit , aut si quædam minus gustui aut vitæ cæci sanitati conferunt , quasdam saltem partes earum ingredi manduca sollicitat : Radices stipites ligna ramos cortices folia flores fructus semina & omnia quæque in voraginem detrudit ; animalium genus omne & volatilia cæci , & pisces maris & quadrupedantia terræ , serpentes reptilia vermes maseæ & omnia quæ moventur ipsamet & eorum ossa , pili , pelles , lanæ , plumæ , carnes , viscera , sanguis , excrementa , rectamenta , nihil horum excluditur , sed excipitur in usum ? Ast forsân intacta linquet fossitia ?

Nullibi gentium locorum & temporum; quasi memor suæ sed antiquæ condemnationis Hæres Adami terram deglutit, & omnia metalla mineralia cretas bolos lapides saxa & cætera id genus aut in cibum, aut alimentum medicamentosum, aut in condimentum admittit nullo excepto. Si eduliorum multitudinem, eorum innumera specierum genera, varia diversaque omnia quæ alimentorum seriem subeunt, comparare conferreque sit cum arte nostra, quæ hæc omnia aut seligit aut præparat, condit, conficit, enormis occurrit compages & cognitionum & praxearum: quantæ & quot diversarum parandi alimenta formularum exurgunt rationes? Quæ vastitas in Theoria, in Operatione quæ diversitas, in utraque quæ communis facunditas, prolixitas, cogitare horret præ multiplici hujusce scientiæ practicæ ambitu, complectitur omnia & neminem nisi Medicum decet, ni per fas & nefas, cibaria, quod peccatum, ignaro, stupido, conficienda, imò imperito, ideoque & improbo committantur: non negligenda hæc quæ tam antiqua, utilis, necessaria & ampla est scientia: imò colenda augenda: ipsa longius patet Pharmaciâ & aliis quibusque ad vitam & sanitatem auxiliis: si admittantur in hoc loco hortulanorum, veterinariorum, & omnium in convivii coquorum munera, memoria & si tenax deficeret: Medicorum teneamus consilia, præcepta, inventa; quot ex iis oriuntur varii cibos conficiendi modi; quæ combinatio ciborum, qui modus, quæ mensura, quæ conditiones, quæ bona inde sanò, ægrotanti, cuique sexui, ætati, exurgunt opportunè: si verò in culinâ abest artifex sed coquus inexpertus operetur quot mala inde manent homines, aut ingrata sunt edulia, aut malè præparata aut conditiones nimix aut deficiunt, nimium tosta sunt hæc, illa insufficienter assata, non mistio sed farrago, ubique confusio, perniciēs. Ast medicus hic loci saccharum, ibi sal culinarium, mel, piper, cinnamomum, aut omnia aut quædam illorum aut nulla; hic quæ ciborum distinctio, quæ dosis in miscela, qualis ordo, ordo in apparatu, ibi qui gradus macerationis, molituræ, coctionis? &c. Hinc artis nascitur agendi infinita series quæ methodo syntericâ eget in medico, in ministro analiticâ valet. Si inter apparatus ornamenta concilientur, grata sunt

oculis, inde sapor & odor ad ciborum præsentiam colore, symmetria, figuris; excitantur inde appetitus, faciliior digestio: cum hominum varia sunt temperamenta, gustus, appetitus, valetudo, varia & edulia apponenda, diversa gustatu, odore, sapore, colore, figura, dosi, conditione, calore, frigore &c. hanc autem diversitatem & varietatem in condiendo, coquendo, præparando, miscendo, ad carnes, pisces & legumina solummodo inesse haud existimes, quæ de duris aut solidis exposita sunt eduliis, plura enuncianda veniunt de liquidis aquâ vino zito sicerâ pomaceo piraceo prizannâ & pluribus aliis & aliis potandis liquoribus sive simplicibus sive compositis & mistis sive condimento alteratis qualia sunt *ratafia* omnium specierum, spiritus vini, aquavita, aquæ stillatitiæ, edulcoratæ, decoctæ, item *café*, *chocolat*, hordeata, &c. quorum omnium nomina describuntur in amplis catalogis qui prostant apud caupones & istorum liquorum venalium confectores aut venditores. Nec finiret in numerando rerum omnium varietas circa ea quæ sunt artis ni suppleret cogitandi ratio.

V.

RIDEBUNT quidam Medicum de culinâ satagentem: Rideant multò plures ad nauseam usque nobis, ad ignominiam sibi. Prætexent: de minimis non curat Prætor, nec de culinâ debet Medicus: imò quæ in moralibus minima & parvi facienda, in Medicinâ magna & multi facienda: objicient culinam non esse ministram Medicinæ; & ad eam hoc titulo pertinere aut esse aliquam ejus objecti partem negabunt; at nos jure ac meritò affirmabimus hanc artem in ministro, in medico scientiam, esse antiquissimam, utilissimam, amplissimam, quæ sanitati conservandæ, vitæ sustentandæ, morbis sanandis aut evitandis repellendisque admodum inservire novimus judicamus. Cavillatores expetent atque requirunt in hac thesi, jocandi causâ, gulæ irritamentorum formulas? Non deprehenduntur hæc loci: ad quid ergo dicent & cui bono hæc Thesis, ad arcendum profanum vulgus in suo de Medicinâ judicio; continendos belluones in sua ingluvie, delicatos in sua cupediâ; abstrahendos à sua ebrietate bibaces;

ad excitandum in anorexiâ appetitum, sitim in febre sedandam; macilentum ab ægritudine debilem, & lassum diversis laboribus, restaurandum refocillandum, ad pauperes impensâ parvâ nutriendos; divites lautè magnificeque excipiendi convivis rationem docendos in convivii & festis solemnibus, quæ religio, mos, imperat aut tolerat; ad medicamenta & versa vice alimenta conficienda; ad utraque sub diverso respectu injungenda proponenda mutanda: sed ubinam sunt hæc omnia dicent lectores? Ne unum quidem verbum in hacce thesi de his omnibus. Si attentè legerint invenient, si tamen formulas mensæ ferculorum desiderant, per tempus non licet. neque hic locus, nec occasio; non sufficeret oleum, eant potius ad venditores, ad propolas, caupones, coquos triviales: at medici non ad ingluviem, gulam, luxuriem proponunt consilia sed ad beatam vitam, senectutem prorogandam, juventutem continendam, juuandos homines in suis laboribus, pios in virtute, in jejuniis & oratione, in studiis & pernoctationibus; ægrotantes in curandis morbis, &c. sed Pharmacopœci & Chirurgi reclamabunt contrâ culinam. Quid juvabit? Soror est natu major, opibus ditior, in quoque casu aut utilior aut concurrens, quæ sæpissimè earum non eger auxiliis, ambæ verò non vice versâ. Tandem nolunt quidam hortulanorum & veterinariorum artem esse Culinam: nolint velint existit, & ea est quæ ab istis artificibus exercetur in utilitatem, necessitatem plantarum & animalium. At quid necesse hanc artem repeti ab origine mundi, & ad plantas hanc artem adscribere? Ad hujus scientiæ practicæ luculenter demonstrandam & invictè probandam *primò* antiquitatem *secundò* utilitatem imò necessitatem, *tertio* amplitudinem; unde concluditur,

Ergo ceteris Medicinæ ancillis, præstat præcipue.

Proponebat Parisiis LUDOVICUS-ALEXANDER
GERVAISE, Ambianensis, Doctor Medicus Remensis,
necnon Saluberrimæ Facultatis Medicinæ Parisiensis Baccalaureus, A. R. S. H. 1749, à sextâ ad meridiem.

Typis QUILLAU, Universitatis & Facultatis Medicinæ
Typographi, 1749.